

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/3

PAPER 3 Literature

2 hours

Marks 60

2019

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the **three** answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye Mumbapira yaKulimbwilira oyo vana tapa.
- Tjanga Nomora yaLivango, Nomora yaMuhameni mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.
- Limburura mapuro **matatu**, **limwe** mulipongonyono A **Mutango**, **limwe** mulipongonyono B **Porosa**, **limwe** C **Shidanaghuka**. Mogho malimbururo **matatu**, **limwe** po li kare lyantjangwatimwitira (lyalire).
- Pakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [] kughuhura wa kehe lipuro mpiri ruha rwalipuro.

This document consists of **8** printed pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A: MUTANGO

Limburura mo lipuro **limwe** tupu muruha runo.

1 Mbeli: Dimutango daRugciriku

Varura mutango ghuno makura u limburure mapuro ogho ghana ka kwamo ko.

Lirumbu

Nane, liwiru lina rondo
Mema mumukuro macoro
shirongo nka shina mwena
Mwena ko ndjara kushuma.

Lirumbu, vinke vino ghuna yita?
Shitetu mwena ko vanuke kulira
Vakadi kukumbwida mwena ko nane
Varume pavikwata vana dere, va popere vanuke.

Nane, shiponga shina ya, liparu kuni?
Mukuro wiya mpe liparu ntani
Pavikuku, mashasha musho tuna dere
Yita vikumba, yita mbo, muwiya tu ka pare.

Tuhangu mundjugho nduku-nduku
Ntjivi, lishutu kukosheda momu
Mwanuke para mukondi kadesha
Lirumbu, shiponga munke una yita.

Karunga udito munke ghuna yita
Wa tapa kwande liparu namfa
Wa ndera namema nawiya ve
Mumwaka dalirumbu pere.

(L. Kupembona)

- (a) Likuyuvo munke ana kunegheda mutangi kuvavaruli kuhamena vishorauka vya mulirumbu mushinemaghano **1** na **2** mumutango uno? Nkondopeka lilimburo lyoye omo u karughanita maghano ghamumutango uno. [4]
- (b) Weni omo a rughanita mutangi liraka mposhi a kankondopeke likutjindjo olyo lyashorokango ntjeneshi lirumbu lina myauka kuvavaruli mumutango uno? Rughanita maghano ghamumutango ghakuvatere kumalimburo ghoye. [4]
- (c) Vinke ana shana mutangi kunegheda, mukurughanita tumutunda oto tuna tundo mumutango wendi:
- (i) Vakadi kukumbwida mwena ko nane [2]
- (ii) Mwanuke para mukondi kadesha [2]
- (d) Tjanga lighano lyamutangi olyo ana kutu shanena tu kaghayadare kuhamena lirumbu mumutango uno. Rughanita maghano ghamumutango ghakuvatere kumalimburo ghoye. [4]
- (e) Shishongero munke ana kunegheda mutangi kuvavaruli mushinemaghano shakuhulilira? [4]
- [20]

NDI

2 Shiyo: Dimutango daRumanyo

Varura mutango ogho makura u limburure mapuro ogho ghana ka kwamo ko.

Ukotoki wantjanya

Ukotoki wantjanya
 Wa kotokero mwenya uro
 Uvando no mumparakasha yauro
 A geyure mwenya uro a yende

Kurara kunaka-naka
 Kunaka-nakera li ye
 Likye wangu a yaneke uro
 a kenge ovyo vina kudiro kumurangeka

Opo u twera po mwi
 Kambada kana pyaghana
 Kuna pyaghanene ntjanya
 A shanyuke kuupyu
 Una piro uvando
 nkuku di mu mine po

Ndjomo, ndjomo
 Lifurukutiro ne pamulivu
 Lifurukutiro sha, likurundema lina va fuku
 Ru ka twe ru ka shinduke, ashi yendenu nawa,
 Mana shi mu lyata 'vyo.

(N.S. Hamutwa)

- (a) Weni omo a rughanita mutangi liraka mposhi a kankondopeke likuyuvo lyendi kuvavaruli mumutango uno. Rughanita maghano ghamutango ghakuvatere kushitjangwa shoye.

Mwara nkango **125 – 150.**

[10]

- (b) Weni una kara ukaro wamutangi ntani omo ana kuvi tuntura mumbudi yamutango uno? Rughanita maghano ghamumutango ghakuvatere kumalimbururo ghoye.

Mwara nkango **125 – 150.**

[10]

[20]

LIPONGONYONO B: POROSA

Limburura mo lipuro **limwe** tupu muruha runo.

3 Mfudu Urodi: Shampapi Shiremo

Atwe ne momo ana vighamba unyande ShaMate. Omo ni pura nomo ni shwena ne weni? Oko vaka kusheka kwapantjavo nameshi nakuvimbomboro noveshi Dimbindo kapi twa kalireko. Ogho Karungu nampiri ndjegho Mate mo twa varerera momuno mumandi ghano maviri. Va kuyimbira shure yavo vakumanena tu yuvhe ashi vana kasharura ndi vana katu ranyena burukuta ndi tetena. Natwe vashavo vene tuna pandura kunkedi oyo vana yendita vanuke vininke vino dogoro vi ya tike pano. Vyavidona ne vya kayanga namara ghakudira kuyivilita. Ame 'ko shaKarungu ne ndi navipandura ashi Karungu mbeli yande ndi waPetrus Katjire ghoye 've Limbindo kwato nka wapeke. Vakamali vanya va yiro navanturaghumbo vavo va ya tikite tukalikali teketeke. VaNanwaMate naNanawaKarungu navo nko kutudayapo twavo. Hawe navantje kwa hafire shiri unene pakumona ashi vana vavo vana tikimo ngoli muuta wakora. Ngwaya nado adi wiripo ngoli. ShaMate nko kurawira vaghuni vavaMate naKarungu vavakadona vaka neghede varukwadi rwavo kundjugho dava mbandeki vavo. Okuno Mate naKarungu vavene kuna kushatana mukumbaraya limutende nashimpendje ovyo va dipaghilire vamukwarero vavo.

- (a) Shinka munke a tuntura mutjangi kuhamena nkwaro dakukakupulira pashure mumbapira yino? Rughanita maghano ghamumbapira ghakuvatere kumalimbururo ghoye. [4]
- (b) Likuyuvo munke una kara nalyo, kuviviyauka vyamumundi wanganga kuhamena kwaShakarungu naShaMate mumbapira yino? Nkondopeka lilimbururo lyoye omo u karughanita maghano ghamumbapira. [4]
- (c) Weni una kara ukaro wamutjangi kuhamena virughana vyaHompa Tjoraminga mumbapira yino? Wana maghano mumbapira ghakuvatere kumalimbururo ghoye. [4]
- (d) Ushiri munke ogho una kughayara kuhamena ukenu wavishorokwa ovyo vyavawanino vaBibisi namukamali wendi mumbapira yino? Rughanita maghano ghamumbapira ghakuvatere kumalimbururo ghoye. [4]
- (e) Mbudi munke ana shana kutapa mutjangi kuvavaruli kuhamena makushongo ghaKarungu naMate mumbapira yino? [4]

[20]**NDI**

4 Sha rondo mpadi: H. N. Diaz

Fwaturura omo ana kutunga mutjangi mpepo dautjirwe navighayarerwa kuvavaruli mumbara yaHomba Kiyundu mumbapira yino. Rughanita maghano ghamumbapira ghakuvatere mushitjangwa shoye.

Mwara nkango **250 – 300**.

[20]

LIPONGONYONO C: SHIDANAUKA

Limburura mo lipuro **limwe** tupu muruha runo.

5 Shatoka: H. N. Diaz

Mwaka tupu dangandi da pitiro po makura Vishoni ali mu wana lihamba lyamantjo dogoro nange mantjo ghendi naghantje agha tweka. Ruhepo rwa runene aru mu wana ngoli Vishoni. Monendi Ruhepo naye kuruku a kwara ko mukafumu wapeke ano ngoli munkwara dinya kapi nka mwa tundire mwanuke nampiri walimpowe.

Vishorokwa ovyo vina ku kwamoko kwa shorokire ngurova yimwe mundunda ya Vishoni wa kutweka mantjo.

- Vishoni:** Ruhepo! Ruhepo!
- Ruhepo:** Ame uno, vinke nani vyene ovyo vya kuyiyira weyo anwe nna?
- Vishoni:** Kapi ni na yita muntu ame, ame kuna kulira utighona naruhepo rwande runo.
- Ruhepo:** Ruhepo rwenu rwaweni?
- Vishoni:** Ruhepo rwande rwakupira mantjo.
- Ruhepo:** Utighona wenu waweni?
- Vishoni:** Utighona wande wa kufita mukurwande Livamba na vatekuru vande. Weno ameshi pantjoye una karo name. Vatekuru vande navantje va yenda-yenda kunkwara davo.
- Ruhepo:** Anwe nna nani weni omo va ghambanga vantu? Ashi shatoka shoye, sha reremo shaunyoye. Ndi kapishi mo anwe nna?

- (a) Pakatji kavakamali vano. Vishoni naRuhepo, are ogho una kafera po unene nkenda mushidanauka shino? Nkondopeka lilimburo lyoye omo u karughanita maghano ghamumbapira. [4]
- (b) Kulivangodaneno lino lyalidiva lyaNamatanda weni omo lyatuntura ntjima-ntjima yavitantwavando vyamumbapira yino? [4]
- (c) Weni ukaro waShampapi omo una katuntura ntundiliro yamfa daKapango navauni veni mushidanauka shino? Rughanita magano ghamumbapira ghakuvatere kumalimburo ghoye. [4]
- (d) Weni omo lina kara likuyuvo lyoye kuhamena omo ka ghambanga nankalito yaKapango mushidanauka shino. Wana maghano mumbapira ghakuvatere kumalimburo ghoye. [4]
- (e) Kushiparatjangwa shambapira yino, weni omo shina katuntura likufano naukalimo wambapira? Wana maghano mumbapira ghakuvatere kumalimburo ghoye. [4]

[20]**NDI**

6 Nkandaurama: S K Mbambo

Timwitira omo a fwaturura mutjangi viviyauka vyaMuranda (Uncle Dan) mushigongi shakutanga shavakurona, omo vyatjindjire ukaro wavakurona/vayiti kumwe nakomiti mushidanauka shino. Rughanita maghano ghamumbapira ghakuvatere kushitjangwa shoye.

Mwara nkango **250 – 300**.

[20]